

STJÓRNARTÍÐINDI B 80 – 2002

4. júlí 2002

1303

Nr. 482

REGLUR

um úreldingu gróðurhúsa á árunum 2002-2006.

1. gr.

Fjármunir til úreldingar.

Ríkissjóður greiðir á árunum 2002-2006 bætur fyrir úreldingu gróðurhúsa sem ylræktað grænmeti var framleitt í á árunum 2000 og 2001.

Heimilt er að verja allt að 30 milljónum króna á ári til greiðslu bóta fyrir úreldingu gróðurhúsa samkvæmt 1. mgr.

Einungis er heimilt að greiða bætur fyrir úreldingu gróðurhúsa með burðarvirki úr stáli og með tré-, ál- eða stálgrind og ef þekjuefni er gler, polycarbonat eða acryl auk búnaðar til upphitunar og loftunar (kælingar). Þökkunaraðstaða er ekki meðtalin í því flatarmáli sem úrelt er og úreldingarbætur eru greiddar út á. Flatarmál skal reikna miðað við ytri brún sökkuls á gróðurhúsi.

Heimilt er að greiða að hámarki 5.000 krónur á fermetra til úreldingar en að hámarki 2.500 krónur á fermetra til hlutaúreldingar, sbr. 3. mgr. 2. gr.

Þá er heimilt að færa fjármuni af ónýttu fé til úreldingar milli ára, þó eigi hærri fjárhæð hverju sinni en sem nemur 20 milljónum króna.

2. gr.

Réttur til úreldingar.

Rétt til greiðslu bóta fyrir úreldingu hafa eigendur gróðurhúsa, sem framleiddu ylræktað grænmeti í gróðurhúsum á árunum 2000-2001.

Úrelding getur náð til allra gróðurhúsa á garðyrkjubýli en einnig er heimilt að úrelða einstök gróðurhús sem framleiðsla ylræktaðs grænmetis fór fram í á árunum 2000-2001.

Þá er heimilt að verja eftirstöðvum af framlagi ársins, sbr. 1. gr. til hlutaúreldingar gróðurhúsa. Undir þennan flokk geta fallið ný og nýleg gróðurhús sem þarfnast endurbóta til að hægt sé að vera með heilsársræktun með raflýsingu í þeim.

3. gr.

Auglýsingar og umsóknir.

Bændasamtök Íslands skulu árlega auglýsa eftir umsóknum um úreldingu gróðurhúsa eigi síðar en 1. júní ár hvert í fjölmiðlum og skal umsóknarfrestur vera til 1. júlí ár hvert. Umsóknir um úreldingu skulu sendar Bændasamtökum Íslands sem annast gerð samninga

um úreldingu. Í umsókn um úreldingu skulu koma fram upplýsingar um nafn, kennitölu, heimilisfang og símanúmer umsækjanda, nafn lögbýlis, sveitarfélags og sýslu, landnúmer og bankareikning sem leggja má greiðslu bóta inn á. Einnig skal fylgja samþykki sameiganda ef hann er fyrir hendi, samþykki veðhafa, staðfesting á framleiðslu garðyrkjubýlisins á árunum 2000 og 2001, staðfesting ráðunauta Bændasamtaka Íslands um notkun húsanna og veðbókarvottorð er ekki sé eldra en viku gamalt. Með umsókn um úreldingu einstakra gróðurhúsa og hlutaúreldingu skulu að auki fylgja teikningar af áætluðum framkvæmdum ef við á. Þegar sótt er um hlutaúreldingu skal koma fram fasteignanúmer þeirra gróðurhúsa sem áformað er að úrelða. Umsækjandi skal undirrita umsókn eigin hendi. Bændasamtök Íslands gera umsóknareyðublöð um úreldingu og skulu þau liggja frammi á skrifstofum Bændasamtakanna og búnaðarsambanda en einnig skulu þau birt á heimasíðu Bændasamtaka Íslands.

4. gr.

Forgangsröðun umsókna.

Bændasamtökum Íslands er heimilt að fela búnaðarsamböndum að taka við umsóknum, staðfesta móttöku þeirra með dagstimpli og skila umsóknum til Bændasamtakanna. Umsóknir sem borist hafa fyrir 1. júlí ár hvert verða bindandi þá, hafi umsækjendur ekki afturkallað umsóknir skriflega fyrir þann tíma. Umsóknir verða afgreiddar í þeirri röð sem þær berast innan tilskilins umsóknarfrests. Berist umsóknir á sama ári um úreldingu umfram 30 milljónir króna skal þeim raðað í forgangsröð.

Ef umsóknir um úreldingu fara umfram þá fjármuni sem eru til ráðstöfunar skal fyrst taka til úreldingar gróðurhús á garðyrkjubýlum þar sem hætt er með öllu framleiðslu grænmetis og flyst sá forgangur milli ára ef fleiri umsóknir berast en hægt er að verða við. Berist fleiri slíkar umsóknir en hægt er að verða við skal þeim raðað í forgangsröð sem miðist við hvenær umsóknir bárust samkvæmt dagstimpli Bændasamtaka Íslands eða búnaðarsambands. Allar umsóknir sem bárust sama dag skulu vera jafnréttáar. Umsóknir sem berast innan tilskilins tíma en ekki er unnt að verða við vegna skorts á fjármunum skulu hafa forgang við úreldingu á næsta ári. Þó er heimilt að gera þegar samninga um úreldingu við aðila með forgangsumsóknir sem flytjast á milli ára og koma þeir til greiðslu í byrjun næsta árs.

5. gr.

Samningar um úreldingu og tilhögun greiðslna.

Þegar umbeðin gögn liggja fyrir og umsókn um úreldingu hefur verið samþykkt gera Bændasamtök Íslands samninga um úreldingu gróðurhúsa við umsækjendur og skulu þeir þinglýsa samningum um úreldingu sem kvöð á viðkomandi garðyrkjubýli eða gróðurhúsi eftir því sem við á. Í þeim samningum skal tilgreina þær fasteignir sem óheimilt er að nota til framleiðslu grænmetis. Þegar samningum um úreldingu hefur verið þinglýst skal greiða úreldingarbætur að fjárhæð 5.000 krónur á hvern fermetra gróðurhúss.

Bændasamtök Íslands annast úthlutun úreldingarbóta. Afgreiðslu úreldingarbóta samkvæmt 1. mgr. skal vera lokið fyrir 1. desember ár hvert og skal framleiðslu hætt eigi síðar en þá.

Við hlutaúreldingu skv. 3. mgr. 2. gr. skal greiða úreldingarbætur að fjárhæð 2.500 krónur á hvern fermetra gróðurhúss þegar endurbótum er lokið.

6. gr.

Takmörkun á notkun gróðurhúsa sem hafa verið úrelt.

Gróðurhús sem hafa verið úrelt má ekki nota til framleiðslu og sölu garðyrkjuafurða til 31. desember 2011. Eigendur gróðurhúsa skulu jafnframt undirrita yfirlýsingu um að

gengið verði þannig frá úreltum gróðurhúsum að ekki skapist hætta af þeim né að þau séu lýti á umhverfinu.

Úrelding á einstökum gróðurhúsum, sbr. 2. mgr. 2. gr. kemur ekki í veg fyrir áframhaldandi framleiðslu grænmetis á viðkomandi garðyrkjubýli og hagræðingu í rekstri þess með byggingu nýrra og hagkvæmari húsa.

7. gr.

Viðurlög.

Í samningum um úreldingu skal kveðið á um að viðtakanda úreldingarbóta sem brotið hefur gegn ákvæðum samnings skuli gert að endurgreiða úreldingarbætur að viðbættu 50% álagi.

8. gr.

Gildistaka.

Reglur þessar eru settar samkvæmt heimild í lögum nr. 99/1993 um framleiðslu, verðlagningu og sölu á búvörum, sbr. lög nr. 84/2002 og öðlast þegar gildi.

Ákvæði til bráðabirgða.

Á árinu 2002 skal frestur Bændasamtaka Íslands til að auglýsa eftir umsóknum um úreldingarbætur vera til 12. júlí 2002 og frestur eigenda gróðurhúsa til að sækja um úreldingarbætur vera til 15. september 2002, án tillits til 1. mgr. 3. gr.

Umsóknir sem berast á árinu 2002 verða bindandi 15. september 2002 án tillits til 1. mgr. 4. gr.

Landbúnaðarráðuneytinu, 4. júlí 2002.

Guðni Ágústsson.

Sigríður Norðmann.

REGLUGERÐ

um breytingu á reglugerð nr. 857/1999, um bann við notkun tiltekinna eiturefna og hættulegra efna.

1. gr.

2. mgr. 4. gr. reglugerðarinnar verður svohljóðandi:

Óheimilt er að framleiða, flytja inn, selja eða nota í málmíðnaði öðrum en járníðnaði efni í B-hluta 4. viðauka.

2. gr.

Eftirtaldar breytingar eru gerðar á I. viðauka, *Krabbameinsvaldandi efni*:

Við B-hluta, flokk 2, bætast efni sem birt eru í fylgiskjali I við reglugerð þessa.

Eftirtaldar breytingar eru gerðar á III. viðauka, *Efni sem geta haft skaðleg áhrif á æxlun*:

Við B-hluta, flokk 2, bætast efni sem birt eru í fylgiskjali II við reglugerð þessa.